

Na osnovu člana 56. Zakona o organizaciji uprave Federacije Bosne i Hercegovine („Službene novine Federacije BiH“, broj: 35/05), člana 30. stav 1. i člana i 37. Zakona o izvršavanju Budžeta Federacije Bosne i Hercegovine za 2020. godinu („Službene novine Federacije BiH“, broj: 99/19 i 28/20) i Odluke Vlade Federacije BiH o usvajanju Programa utroška sredstava sa kriterijima raspodjele sredstava „Transfer za obilježavanje značajnih datuma“, utvrđenog Budžetom Federacije Bosne i Hercegovine za 2020. godinu, V.broj:710/2020 od 05.06.2020.godine („Službene novine Federacije BiH“, broj: 37/20), ministar Federalnog ministarstva za pitanja boraca i invalida odbrambeno-oslobodilačkog rata/Federalnog ministarstva za pitanja branitelja i invalida domovinskog rata, objavljuje

JAVNI POZIV

za podnošenje zahtjeva i programa za ostvarivanje prava na dodjelu sredstava Budžeta/Proračuna Federacije Bosne i Hercegovine za 2020. godinu iz oblasti boračko/braniteljsko invalidske zaštite

I

Predmet Javnog poziva je sufinansiranje programa/projekata za obilježavanje značajnih datuma, događaja i ličnosti iz perioda odbrambeno-oslobodilačkog/domovinskog rata.

II

Zahtjev za sufinansiranje programa/projekta mogu podnijeti kantonalna ministarstva/uprave nadležne za boračko/braniteljsko-invalidsku zaštitu, službe za boračka pitanja Brčko Distrikta Bosne i Hercegovine, organizacije i udruženja/udruge proizišle iz odbrambeno-oslobodilačkog/domovinskog rata, SABNOR, udruženja/udruge, organizacije Armije R BiH i HVO koje su registrovane u RS i vjerske ustanove za organizaciju kulturnih i sportskih manifestacija kojima se obilježavaju značajni datumi iz odbrambeno-oslobodilačkog/domovinskog rata. Zahtjev je potrebno obrazložiti, u smislu razloga podrške projekata/programa (istorijskom, finansijskom i sl.). Sredstva će se dodjeljivati na osnovu Javnog poziva, jednokratno.

III

Pravo učešća po ovom Javnom pozivu nemaju podnosioci zahtjeva iz tačke II ovog Javnog poziva kojima su u prethodnoj budžetskoj godini odobrena sredstva za iste namjene, a nisu dostavili izvještaj o utrošku sredstava.

IV

Prijedlog raspodjele i isplate namjenskih sredstava iz tačke I ovog poziva vršit će se u skladu sa općim i posebnim kriterijima.

V

Kriteriji za odobrenje sredstava za sufinansiranje programa/ projekata za obilježavanje značajnih datuma su:

- 1.) Značaj programa za širu društvenu zajednicu državnog, federalnog (iznimno kantonalnog ili općinskog nivoa)
- 2.) Broj korisnika predviđenih kroz program
- 3.) Vrijednost programa prema projektu i zahtjevu
- 4.) Učešće vlastitih sredstava
- 5.) Kontinuiranost u održavanju tradicije svake godine
- 6.) Iznos sredstava za aplicirani projekat/program ili obezbjeđenje sredstava iz drugih izvora
- 7.) Usvojen program/projekat i izvještaj obilježavanja značajnih datuma, događaja i ličnosti od strane nadležnih tijela podnosilaca zahtjeva

Ministar će na prijedlog Komisije posebnim aktom utvrditi mjerljive potkriterije iz tačke V (1 - 7) Javnog poziva.

Sredstva za sufinansiranje programa/projekata za obilježavanje značajnih datuma, događaja i ličnosti iz perioda odbrambeno-oslobodilačkog/domovinskog rata odobrvat će se pravnim licima i to:

kantonalna ministarstva/uprave nadležne za boračko/braniteljsko-invalidsku zaštitu, službe za boračka pitanja Brčko Distrikta Bosne i Hercegovine, organizacije i udruženja/udruge proizišle iz odbrambeno-oslobodilačkog/domovinskog rata, SABNOR, udruženja/udruge, organizacije Armije R BiH i HVO koje su registrovane u RS i vjerske ustanove za organizaciju kulturnih i sportskih manifestacija kojima se obilježavaju značajni datumi iz odbrambeno-oslobodilačkog/domovinskog rata, u ukupnom iznosu od **150.000,00 KM (stotinupedeset hiljada KM)**.

Iznos po ovom transferu od **40.000,00 KM (četrdeset hiljada KM)** odobravati će resorni ministar tokom 2020.godine, za one programe/projekte za koje će se koristiti kao potpora programima i projektima za hitne i nepredviđene slučajeve koji nisu obuhvaćeni u javnom pozivu.

VI

Zahtjevi po Javnom pozivu za odabir programa/projekata iz oblasti boračko/braniteljsko invalidske zaštite u 2020. godini, iz tačke II, podnose se Federalnom ministarstvu za pitanja boraca i invalida odbrambeno-oslobodilačkog rata/Federalnom ministarstvu za pitanja branitelja i invalida domovinskog rata, na adresu: Hamdije Čemerlića br. 2 (VIII) Sarajevo sa naznakom " Komisija za predlaganje sredstava Transfer za obilježavanje značajnih datuma u 2020. godini".

Zahtjevi će se podnositi Ministarstvu u toku trajanja Javnog poziva, odnosno u trajanju od 15 dana od dana njegovog objavljivanja u dnevnim novinama.

VII

Aplikacioni formulari će biti objavljeni i mogu se preuzeti sa WEB stranice Ministarstva (www.fmbi.gov.ba), i u kancelariji br.818 pisarnice Ministarstva, Hamdije Čemerlića br.2 Sarajevo. Nepotpuni i neblagovremeni zahtjevi i programi se neće uzimati u razmatranje.

Kopije dokumenata ovjerene (tačka VIII 2.3.4) ne starije od 15 dana.

Federalno ministarstvo nema obavezu vraćati predatu dokumentaciju aplikantima.

VIII

1. Adekvatno popunjen i ovjeren aplikacioni formular;
2. Uvjerenje o identifikacionom broju;
3. Rješenje o registraciji;
4. Kopija ugovora sa bankom o otvaranju trasakcijskog /tekućeg računa;
5. Detaljno opisan projekat ili program za koji se traži sufinansiranje;
6. Finansijski plan projekta ili programa za 2020. godinu, sa očekivanim rashodima;
7. Izjavu da su dostavili Izvještaj o utrošku sredstava za one projekte/programe koji su dobili finansijsku podršku od ovog ministarstva u 2019. godini.
8. Uvjerenje nadležne Porezne uprave o izmirenim obavezama prema javnim prihodima (original ili ovjerena kopija, ne starije od 30 dana),
9. Završni godišnji finansijski izvještaj za prethodnu godinu (bilans stanja i bilans uspjeha), osim ako je udruženje registrovano u godini objavljivanja Javnog poziva (kopija),
10. Niži nivoi organizovanja (općinske i kantonalne organizacije, savezi, udruženja/udruge), pored navedene dokumentacije trebaju dostaviti i dokaz o sufinansiranju navedenog programa od strane višeg organa (kanton, kantonalne organizacije, odnosno federalni savezi, organizacije, udruženja/udruge).

Broj:01-37-1768 /20

Sarajevo, 11.06.2020.godine

